

Broj:06-03-746-05/19
Mostar, 13.12.2019. godine

Na osnovu člana 31. i člana 37. Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15 i 54/19), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 46. Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 9a. stav (4) Pravilnika o metodologiji i načinu obračuna regulatornih naknada za imaoce dozvola („Službene novine Federacije BiH“ broj 5/17, 59/17, 49/18 i 84/19), postupajući po službenoj dužnosti u postupku utvrđivanja iznosa regulatorne naknade za 2019. godinu za „ESPRO“ d.o.o. Donji Vakuf, Ul. 770 Slavne brdske brigade bb, Donji Vakuf, Regulatorna komisija za energiju u Federaciji Bosne i Hercegovine – FERK je 13.12.2019. godine na XVIII redovnoj sjednici donijela sljedeće

RJEŠENJE

1. „ESPRO“ d.o.o. Donji Vakuf obavezan je platiti regulatornu naknadu za 2019. godinu za period važenja njegove Dozvole za rad za proizvodnju električne energije broj 06-03-539/17/14 u 2019. godini u iznosu od 242,47 KM.
2. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

O b r a z l o ž e n j e

Članom 31. Zakona o električnoj energiji u Federaciji Bosne i Hercegovine propisano je da se FERK finansira iz prihoda od regulatornih i jednokratnih naknada koje će naplaćivati od imaoce dozvola koji se bave djelatnošću iz člana 12. navedenog zakona i prihoda od naknada za dozvole koje izdaje, uključujući i naknade troškova na osnovu arbitraže, kao i da će ove naknade biti određene tako da pokrivaju troškove FERK-a, dok se višak prihoda od navedenih regulatornih i jednokratnih naknada, kao i drugih naknada ostvarenih od poslova iz nadležnosti FERK-a, u odnosu na finansijski plan FERK-a prenosi u prihod za narednu godinu. Istim članom propisano je da Budžet FERK-a usvaja Parlament Federacije Bosne i Hercegovine.

Na osnovu navedenog, članom 9a. stav (4) Pravilnika o metodologiji i načinu obračuna regulatornih naknada za imaoce dozvola propisano je da se imaoce dozvola za obavljanje elektroprivrednih djelatnosti, kojima se vrši oduzimanje dozvole ili koji ne obnove svoju dozvolu za vrijeme važenja odluke iz člana 8. stav (4) tog Pravilnika (odluke o privremenoj regulatornoj naknadi za imaoce dozvola za obavljanje elektroprivrednih djelatnosti), iznos regulatorne naknade preračunava pojedinačnim rješenjem na način da se za period važenja dozvole u tekućoj godini fiksni dio regulatorne naknade preračunava u skladu sa tabelom iz člana 5. stav (2) tog Pravilnika, dok se varijabilni dio regulatorne naknade preračunava na osnovu godišnjeg ukupnog prihoda od elektroprivrednih djelatnosti

koji je imalac dozvole ostvario u prethodnoj poslovnoj godini i postotka p (%) za obračun varijabilnog dijela regulatorne naknade iz važeće odluke o utvrđivanju postotka za obračun varijabilnog dijela regulatornih naknada.

Prilikom donošenja ovog rješenja, FERK je imao u vidu da je Odlukom o privremenoj regulatornoj naknadi za imaoce dozvola za obavljanje elektroprivrednih djelatnosti i imaoce dozvole za rad Operatora za OIEiEK za 2019. godinu broj 08-07-1034-04/18 od 10.12.2018. godine („Službene novine Federacije BiH“ broj 101/18) „ESPRO“ d.o.o. Donji Vakuf, kao postojećem imaoocu dozvole za rad za proizvodnju električne energije, u tački 45. utvrđen fiksni dio privremene regulatorne naknade za 2019. godinu u iznosu od 300,00 KM i varijabilni dio privremene regulatorne naknade za 2019. godinu u iznosu od 0,00 KM, odnosno ukupan iznos privremene regulatorne naknade za 2019. godinu od 300,00 KM. „ESPRO“ d.o.o. Donji Vakuf je, postupajući u skladu sa FERK-ovim obavještenjem o obavezi plaćanja privremene regulatorne naknade za prvo polugodište 2019. godine broj 19-360-000041 od 04.01.2019. godine, izvršio uplatu iznosa od 150,00 KM dana 21.01.2019. godine, te postupajući u skladu sa FERK-ovim obavještenjem o obavezi plaćanja privremene regulatorne naknade za drugo polugodište 2019. godine broj 19-360-000219 od 01.08.2019. godine, izvršio uplatu iznosa od 150,00 KM dana 08.08.2019. godine.

Dalje, FERK je pošao od činjenice da je FERK izdao Dozvolu za rad za proizvodnju električne energije broj 06-03-539/17/14 za „ESPRO“ d.o.o. Donji Vakuf, sa periodom važenja od 24.10.2014. godine do 23.10.2019. godine. „ESPRO“ d.o.o. Donji Vakuf nije obnovilo predmetnu dozvolu za rad u tekućoj, 2019. godini. Kako je period važenja predmetne dozvole za rad istekao za vrijeme važenja odluke iz člana 8. stav (4) Pravilnika o metodologiji i načinu obračuna regulatornih naknada za imaoce dozvola, odnosno Odluke broj 08-07-1034-04/18 od 10.12.2018. godine, kojom su utvrđeni iznosi privremenih regulatornih naknada za 2019. godinu, ispunjeni su uslovi da se primjeni odredba člana 9a. stav (3) Pravilnika o metodologiji i načinu obračuna regulatornih naknada za imaoce dozvola. Na osnovu navedenog, izvršeno je preračunavanje iznosa privremene regulatorne naknade, koja je „ESPRO“ d.o.o. Donji Vakuf utvrđena za 2019. godinu u Odluci broj 08-07-1034-04/18 od 10.12.2018. godine. Preračunavanje je izvršeno u skladu sa periodom važenja Dozvole za rad za proizvodnju električne energije broj 06-03-539/17/14 u tekućoj, 2019. godini, te je utvrđena regulatorna naknada u iznosu od 242,47 KM, te će FERK razliku u iznosu od 57,53 KM uplatiti na transakcijski račun „ESPRO“ d.o.o. Donji Vakuf.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja „ESPRO“ d.o.o. Donji Vakuf može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a
Mile Srdanović